

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Suliassat nalinginnaasut

Imm. 4.1 Qeqqata Kommuniani Kommunalbestyrelsis suleriaasia

Imm. 4.2 Kommunalbestyrelsis malittarisassai

Imm. 4.3 Oqaluuserisassatut siunnersuut - Maniitsumi meeqqat atuarfiat

Imm. 4.4 Pilersitsivimmik nutaamik inissiineq

Imm. 8.1 Tamalaat

Ataatsimiinneq videokonference atorlugu ingerlanneqarpoq nal.08.30

Peqataasut:

Atassut

Anna Karen Hoffmann
Siverth K. Heilmann

Inuit Ataqatigiit

Juliane Enoksen
Nivi H. Efraimsen
Navarana Lennert

Naleraq

Abel Enoksen
Karl Lyberth
Steffen Johansen
Hans Enoksen

Siumut

Malik Berthelsen
Evelyn Mølgaard
Gideon Lyberth
Aqqalu Skifte
Barnabas Larsen
Hans Frederik Olsen

Imm. 01 Oqaluuserisassat akuersissutigineri

Aalajangiineq

Evelyn Frederiksen: Imm. 4.1 innersuussummi akuersinermi ulloq iluarsisassaq 28.4.22-nngorlugu.
Steffen Johansen: Aallartitsinniartarnek aqqiivigineqaqquaa.
Oqaluuserisassat akuersissutigineqarput.

Imm. 4.1 Qeqqata Kommuniani Kommunalbestyrelsip suleriaasia

Journal nr. 01.00.03

Tunuliaqutaq

Kommunalbestyrelsimi suleriaasissaq kommunalbestyrelsip 25. november 2021-mi ataatsimiinneranni akuersissutigineqarpoq.

Maleruagassatigut tunngavissaq

Inatsisartut inatsisaanni nr. 29, 2017-mi novembarip 17-ianeersumi (aqutsinermi inatsit) § 1-iani imm. 3-mi allassimavoq, kommunalbestyrelsip suleriaasissani nammineq akuersissutigissagaa.

Pissutsit atuuttut

Ilaatigut kommunalbestyrelsip ataatsimiittarnissai, oqaluuserisassat nassiunneqartarnissai, aalajangiisinnaassutsit, ataatsimiinnerni aqutsisarnerit, suliat saqqummiunneqartarneri, isumaqatiginninniarterni ilaasortat peqataasinnaanerat, taasisarnerit, amerlanerussuteqartut aalajangiisarnerat, naleqqiussineq tunngavigalugu qinersinerit, suleriaatsillu allanngortinneqarnissaa suleriaasikkut malittarisassiunneqarput.

Allaffeqarfiup naliliinera

Kommunalbestyrelsip kingullertigut ataatsimiittarnerini ilaasortat suleriaatsimi, 21. november 2021-mi akuersissutigineqartumi aalajangersakkanik malinninngitsut misigineqartarput, taamaatumillu suleriaaseq ilaasortaasunit eqqaamaneqarnissaa innersuussutigineqarluni, ilaatigut §4 imm. 4 naapertorlugu borgmesteri kisimi ilaasortat oqaaseqarsinnaaneritut kiisalu oqaaseqarnerisa unitsissinnaaneritut pisinnaatitaammat:

Imm. 4. Kinaluunniit oqaaseqarusuttoq borgmesterimut saaffiginnissaaq, taassumalu oqaaseqarumallutik nalunaartut tulleriinneri malillugit oqaaseqartittassavai. Arlallit oqaaseqarumallutik ataatsikkut nalunaarpata, borgmesterip aalajangertassavaa qanoq tullerinneqarlutik oqaaseqassanersut. Oqaaseqartut taamaallaat borgnesterimit unitsinneqarsinnaapput/qallerneqarsinnaapput.

Allaffeqarfimmit maluginiaqquneqarportaaq, ataatsimiinnermi aqutsisoq, matumani Borgmesteri kisimi oqaaseqartumik unitsitsisinnaasoq imaluunniit ilaasortanik oqaaseqartitsisinnaasoq, tamatumani saniatigut §4 imm. 5 naapertorlugu ilaasortap oqaaseqarnissaanut borgmesteri aamma itigartitsisinnaalluni.

Imm. 5. Torersumik ingerlatsinissap eqqortinneqarnissaanut tunngatillugu borgmesterip aalajangiinera, ilaasortanit ataasiakkaanit ataqqineqassaaq. Ilaasortaq ataatsimiinnermi ataatsimi marlori-arluni torersumik pissuseqarnissamik peqquneqarsimappat Borgmesterip siunnersuuteqarneratigut ataatsimiinnermi tassani oqaaseqaqgissanngitsoq Kommunalbestyrelsi aalajangersinnaavoq.

Kommunalbestyrelsimi ataatsimiittarnerit oqartussaaqataaffiullutik oqalliffiusartuupput, ilaasortallu isiginnittaatsiminnik isummaminnillu kommunalbestyrelsimi ersersititsisinnaatitaapput, tamannalu ilaasortat pisinnaatitaaffiinik ataqqinninnermik ingerlasassalluni, suleriesissalli malinneqarnissaa ilaasortanit eqqaamaneqassaaq.

Innersuussut

Allaffeqarfiup kommunalbestyrelsimut innersuussutigaa

-suleriuseq ilaasortanit tamanit malinneqassasoq akuersaarneqarlunilu

Aalangiineq

Innersuussutigineqartoq akuersissutigineqarpoq.

Ilanngussaq

1. Qeqqata Kommuniani kommunalbestyrelser suleriaasissaatut siunnersuut

Imm. 4.2 Kommunalbestyrelsip malittarisassai

Journalnr. 01.01.00

Tunuliaqutaq

Siusinnerusukkut ilaasortaasimasunit siunnersuutaanikuusutut qinigaaffiup siuliani Kommunalbestyrelsimut malittarisassanik suliaqartoqarpoq. Ataatsimiititaliat tamaasa ilanngullugit suleqatigiinnerup nukittorsarneqarnissaa siunertaralugu malittarisassat 2019-imi apriliip 25-anni akuersissutigineqarput, suleqatigiinnermik, oqaloqatigiinnermik ataqeqatigiinnissamillu kiisalu allaffissornermut ataatsimiititalianullu tatiginninnermik takutitsisoqartassasoq.

Maleruagassatigut tunngavissaq

Malittarisassanik suliaqartoqarnissaa kommunalbestyrelsip nammineq aalajangigassarivaa

Pissutsit atuuttut

Politikkikkut pitsaasumik aqutsineq sulinermi pitsaasunik atugassaqartitaanermik piumasaqaatitaqarpoq. Sulinermi atugassarititaasut pitsaasut ilaatigut ilagivaat, kommunalbestyrelsimi ilaasortatut kommunalbestyrelsimi suleqatigisanik pitsaasumik suleqateqarnermik misigisimaneq, ataatsimiinnerit pissarsiffiulluartut kinguneqarluartullu kiisalu kikkut tamarmik akornanni pitsaasumik nipeqarneq kiisalu allaffeqarfimmik suleqateqarneq pitsaasoq, tamatumani imminnut ataqeqaqitigiittoqarluni.

Malittarisassat taamaalillutik suleqatigiinnermut isumaqatigiissutaapajaarput politikikkullu pitsaasumik aqutsinnermut oqariartuutaallutik, taamaalillutillu kommunalbestyrelsip sulineranut pingaarutilittut toqqammavileeqataasuussallutik.

Pitsaasumik politikikkut aqutsinissamut innersuussutaasut arfiniliusut pingaarnertut immikkoortunut pingasunut agguataarneqarput:

Kommunalbestyrelsip iluani sulineq sunniivigeqatigiittarnerlu

1. Politikkit aalajangersariikkat malillugit sulivugut aamma periusissiat ineriartornerlu ukkatarivagut
2. Anguniakkat anguneqarsinnaasut ersarissut malillugit suleqatigiippugut, malitsigisaanillu malitseqartitsisarluta
3. Aalajangeriikkanut akisussaaffik nassuiaateqarnissarlu tiguarput

Kommunalbestyrelsip avammut sammisunut suliassai avatitsinnillu suleqateqarneq

4. Kommunip ineriartornissaanut siunissaanullu tunniusseqataasut kikkut tamaasa suleqatigivagut.
5. Ammasuunermik, ersarissuunermik, oqaloqatigiinnermik akuutitsinermillu suliaqarpugut

Kommunalbestyrelsip allaffeqarfiullu akornanni suleqatigiinneq.

6. Allaffeqarfimmik tatigeqatigiilluta ataqeqatigiillutalu suleqatigiippugut

Innersuussut

Kommunalbestyrelsimut innersuussutigineqarpoq

- Suleqatigiinnermut isumaqatigiissummut (malittarisassat) immikkoortunik nutaanik suliaqartoqassanersoq ilanngullugu malittarisassat eqqartorneqassasut

Aalajangiineq

Tusaatissatut tiguneqarpoq.

Planngussaq

1. Kommunalbestyrelsimut malittarisassaq

Imm. 4.3 Oqaluuserisassatut siunnersuut - Maniitsumi meeqqat atuarfiat

Journal nr. 51.00

Tunuliaqutaq

Kommunalbestyrelsimi ilaasortaq Karl Lyberth (N) ulloq 16. februar 2024 saaffiginnippoq Maniitsumi meeqqat atuarfiat pillugu Kommunalbestyrelsimi oqaluuserisassanngortitsilluni. Neriutigaa kommunalbestyrelsimi ilaasortat tamarmiullutik ikioqatigiillutik atuarfimmi pissutsit ilungersunartut pillugit aaqqiissutissanik ujartueqatigiikkumaartut. Ilanngussaq 1 takuuk.

Maleruagassatigut tunngavissat

Atuarfik pillugu Inatsisartut inatsisaat nr. 15, 3 december 2012-meersoq

Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat (Atuartitsinerup imai, aaqqissugaanera, piareersarneqarnera, atuartut amerlassusaat, isumassu-inikkut attaveqarfissaq aamma atuarfimmi pisortatut ilinniartitaaneq pillugu malittarisassat allanngortinneri) nr. 9, 19 december 2021-meersoq.

Pissutsit atuuttut

Atuarfik Kilaaseeqqap tamakkiisumik iluarsartuunneqartussaanera peqcutigalugu atuartut ilinniartitsisullu tamarmik atuarfik qimattariaqarsimavaat, trin-ikkaarlutillu illoqarfimmi siaruaallutik agguataaqqallutik. Ilinniartitsisussaaleqinerlu ilaatigut ukiuni arlaqartuni atuussimavoq, taamaattumik Kommunalbestyrelsi assigiinngitsunik suliniuteqarnikuuvoq, soorlu immikkut ajunngitsorsiaqarluni atorfininnissamut neqeroorutit aammalu Maniitsumi ilinniarsimasumik atorfinitsitsiniarneq Sisimiuniit ajornarnerunera pissutigalugu Maniitsumi sulisunut 12-innik inissialiortitsinerit.

Taamaattorli nuna tamakkerlugu ilinniartitsisussaaleqineq annertuvoq, ilaatigut Ilinniartitaanermut Naalakkersuisup Inatsisartunut akissuteqaataani atuarneqarsinnaavoq ukioq atuarfiusoq 2021/2022-imi nuna tamakkerlugu meeqqat atuarfiini ilinniartitsisut ilinniarsimasut amigaataasut katillugit 217-inik amerlassuseqartut. Taamaattumik piffissaq qaninnerusoq eqqarsaatigalugu Atuarfik Kilaaseeqqami ilinniartitsisut amigaataasut tamakkerlugit nunatta iluaniit pissarsiariniarneri ajornaku-suussangatinneqarpoq. [027 2024 folkeskole data anwa akissut.pdf \(inatsisartut.gl\)](#)

Atuarfik Kilaaseeqqami ilinniartitsisunik maannamut 12-nik amigaateqarpugut. Ukioq atuarfiusoq 2023/2024 aallartinnerani ilinniartitsisut nutaat marluk atorfinipput, allartinneraniillu maannamut ilinniartitsisut tallimat soraarlutik aallarput.

Atuarfik Kilaaseraq maanna imaarneqaleruttorpoq suliarneqarnissaanut, taamaalilluni atuartut agguluttoqqapput atuartut tamarmik inissaqartsinniarlugit soorlu Minngortuunnguup atuarfia suliarneqalermat. Maanna init nuuffigineqartut atuarfiusut naammaginarput, trin 1,2 aammalu 4 ajunnginnerusuni inissisimapput. Trin 3-mi atuartut Hotel Toppenimi inissisimapput, taakkualu init mikipput. Ukiaru Minikollegie suliarineqareerpat klassit sisamat nuussinnaassapput, taamaasillutik Toppenimi inissaqarnerulissallutik.

Atualermermi 2023/2024-mi atuartut 350-356 akornanniipput maanna 338-upput, taakkulu klassinut 26-nut agguagaapput. Ikileriarsimaneranut peqcutaasinnaasut assigiinngittuupput, ilaatigut angajoqqaat illoqarfimmi allami atorfininnerat, meeqqat atuarnerat eqqarsaatigalugu nuuttut, ilinniariartortut nuuttut, allallu pissutit peqcutigalugit nuuttoqartarnera illoqarfinnut allanut.

Atuartut atuartitaanerat klassini amerlanerni pissusissamisut ingerlapput tamaattorli alloriarfinni marlunni ilinniartitsisussaaleqiffimmi qaammatialunni naammaginarnikuunngilaq. Qujanartumilli atuartitsissutini amigaateqarfitsinni arlalinni maanna ilinniartitsisuuunngikkaluartunik

piginnaasaqartunik aaliagersimasunik sulisoqarpoq naak amigaatit tamakkinngikkaluartut. Atuarfiullu pisortaagallartup tullersortigigallagaa aamma atuartitsilissalluni matussusiinarluta.

Ilinniartitsisut qujanarput sullitat uummateqarfigalugit takkuttuurtut naak atukkamikkut pitsaanerpaamik inissisimannngikkaluartut, sulisut amigarnerminni aammalu sullivitik pitsaanerpaanngikkaluartut amerlanerpaat tunniusimalluarlutik ullut tamaasa takkuttuaramik.

Ilinniartitsisunik ilinniarsimasunik Maniitsumut tikisitsinissaq orniginarsarneqassappat, pingaaruteqarpoq Maniitsumi pissutsit pitsaasut nuannersortailu ilanngullugit avammut aamma saqqummiunneqartarnissaat

Allaffeqarfiup naliliinera

Atuarfiusoq 2023/2024 aallartimmat atuartut ilinniartitsisullu atuarfimmu uterput, aasaanerani aturfik iluarsartuunneqarnerisa kingorna. Ukiariartornerani inuummarlunnerit aallarteqqippu tamaatumalu kingunerivaa atuartut ilinniartitsisullu novemberimiit maannamut tulleriiaallutik nutsernerat. Massakut atuartut ilinniartitsisullu tamakkerlutik atuarfimiit nutsereerput trinnikkaarlutik, ukiullu pingasut sisamat taamatut inissisimasussaallutik aturfik piareernissaata tungaanut. Ukiuni tulliuuttuni atuartut ilinniartitsisullu trinnikkaarlutik aaliangersimasunik atuartitsivimmiittussaa mata allaffeqarfiup nalilerpaa atukkat taamaatsillugit sapinngisamik ataqatigiissaarineq aqutsisuniit ingerlanneqassasoq aammalu arlaatigut ataatsimoortitsinnaanissaq ujartorneqassasoq. Alimasissumik atuartitsineq ujartorneqarpoq aamma, tassanili piumasaaqataavoq nakkutiginnissinnaasumik atorfinitsitsinissaq saniatigut.

Innersuussut

Allaffeqarfiup innersuussutigivaa Kommunalbestyrelsimi eqqartorneqarnissaa.

Aalajangiineq

Ilinniartitsisussaaleqinermut tunngatillugu ataani qulequttat allassimasut misissoqquneqarput: Alimmasissumik atuartitsinnaaneq.

Imak ilinniartitsisussaaleqineq pillugu saaffigineqassasoq.

Aturfik Kilaaseqqap nutarsarneqarnerani immikkut ajunngitsorsiaqarluni neqeroorutit (åremål) ilinniartitsisunut tamanut atuutsikkallarneqarsinnaanerat.

Ilinniartitsisut soraarnerit nunaqqataasulluunniit ilinniartitsisutut ilinniarsimannngikkaluartut arlaanik pikkoriffeqartut atorneqarsinnaanerat.

Nunatta, Qallunaallu Nunaata avataaniit ilinniartitsisunik pissarsiortoqarsinnaanera.

Kommunalbestyrelsen ataatsmiinnerata tulliani aprilimi ataatsimiilerpat killiffimmik paasissutis-
siisoqassasoq.

Ilanngussat

1. E-mail Karl Lyberth 16. februar 2024

Imm. 4.4 Pilersitsivimmik nutaamik inissiineq

Journal nr 68.02 20

Tunuliaqutaq

Qeqqata Kommuniani Pilersitsivimmik atilimmik tunisassiornermut atuarfimmik pilersitsisoqarnissaa siunertarlugu Naalakkersuisunit Qeqqata Kommunian attaveqarfigineqarnikuuvoq.

Tunisassiornermut atuarfimmut taaguut Pilersitsivik Maniitsumi Pilersitsivimmit isumassarsiaavoq. Tunisassiornermut assingusumik atuarfimmik ingerlatsisarnissamik pilersitsisoqarnissaanut periarfissamik paasiniaanissamik siunertaqarluni, suliassanut allattorsimaffimmik 2022-mi decembarimi Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik suliaqarnikuuvoq.

Inuusuttunut inuusuttut ilinniarfiitigut ingerlaqqinnikuunngitsunut ikaarsarfittut suliniutitut tunisassiornermut assingusumik atuarfimmik ingerlatsinissamik misileraavimmik pilersitsineq ilanngullugu Suliffissaqartitsinermit periusissiaq 2022-meersoq arlalitsigut suliniuteqarfiuvoq. Tamanna aallaqqaammut suliffissaqartitsiniarnermit tunngasuni aningaasaqarnikkut sinaakkutaasut iluanni peqqaassaaq. Aningaasaqarnermut inatsimmik isumaqatigiissummi tunuliaqutaasut naatsorsuutigivaat ikaarsaanermik suliniut taamaattoq kommunini tamani pilersinneqassasut aammalu taakku sunniutaat malitsigisaanik uuttorneqarlutillu nalunaarusiarineqassasut. Tassunga atatillugu maannakkut siusinnerusukkullu tunisassiornermut assingusunik atuarfimmik suliniutinik misilittakkanik Naalakkersuisut sanarfeqqinnissaat naatsorsuutaavoq, taamaalilluni tunisassiornermik atuarfimmik ingerlatsereernerup kingorna ilinniaqqinnivimmut ikaarsaanissat ajornanninnerulernissaat qulakkeerneqarlutik.

Suliassatut allattorsimaffimmit innersuussut tassaavoq aallaqqaammut kommuni ataasiugaangat tunisassiornermut atuarfimmik ataatsimik toqqaasoqartarnissaa.

Maleruagassatigut tunngavissaq


Suliffeqarnermit innersuussisarneq il.il. pillugit Inatsisartut inatsisaat nr. 5, 8. juni 2014-imeersoq Tunisassiornermik assingusumik atuarfimmik ingerlatsinissamik pilersitsinissamik Suliniummik suliaqarneq aallaavittut inatsisikkut sinaakkutaasut pioreersut iluanni aningaasalersorneqarsinnaasorinarpoq.

Taamaattorli nalimmassaanerunissamut pisariaqartitsisoqarsinnaavoq assersuutigalugu nalunaarusiornikkut imaluunniit tunisassiornermut assingusumik atuarfimmik ingerlatsinermit tassangaanniilluunniit inuusutissarsiornermut ilinniarfimmii tiguneqarnissamut ikarsaarnerup akornanni suleqatigiinnermik tigussaasunngortitsinerup ilaattut aningaasaqarnermut aamma paasissutissanik nalunaarsuinermit kiisalu nalilersueriaatsinut tunngatillugu.

Pissutsit atuuttut

Inuusuttunik Majoriap ilitsersuisarnera pillugu ataani takussutissiaq takuneqarsinnaavoq.

Takussutissiaq 1: Majoriap inuusuttunik ilitsersuisarneranik takussutissiaq



Majoriaqarfiit ukioqatigiiaanut tamanut suliassaqartitsisarput, Majoriaqarfinnili inuusuttunut tunngasoq immikoortuuvoq annertoorujussuaq. Illoqarfinni tamani Majoriaqarfeqarpoq, taamaalilluni sumiiffimmi suliffissarsiornissamut-ilitsersorneqarnissamut aamma qaffassaaqinnissamut suliffeqarfeqarpoq. Inuusutissarsiornermik ineriartornissamut imaluunniit ilinnialernissamut ilitsersorneqarnissap saniatigut Majoriaq inuusuttunut ingerlatsinernik assigiinngitsunik marlunnik qaffassaaqinnermik ingerlatsinermik atuagarsornertaqanngitsumillu ingerlatsinermik neqerooruteqarpoq.

Qaffassarneq (FA = Meeqqat atuarfianni inaarutaasumik misilitsinneq)

Qaffassarluni ingerlatsinerit inuusuttunut inuusuttut ilinniarfimmi ilinnialernissaannut meeqqat atuarfianni karakteriminnik qaffassaanissamut pisariaqartitsisuusunut tulluarsagaapput.

Qaffassarnissamut ingerlatsinerit aammattaaq meeqqat atuarfiannit misilitsinnernik angusaqarnikuunngitsunut taamaaliornikkullu ilinniarfinni tiguneqarsinnaanissamut karakteriminnik amigaateqartunik atuartunik tigusaqartarput.

Atuagarsornerunngitsumik ingerlatsineq ingerlatsinernik pingasunik tassaasunik Sannavimmi ingerlatsineq, Sulilernissamut sungiusarluni ingerlatsineq, Højskolernermik ingerlatsineq-mik ingerlatsinerit ingerlanneqartarput. Atuagarsornerunngitsumik ingerlatsinermi karakterinnattoqarneq ajorpoq, atuagarsornerunngitsumilli ingerlatsinerni taakkunani inuit ineriartornerat pingaartinneqartarluni.

Sannavimmik ingerlatsineq sannavinni atuartitsinermi ilaavoq (assersuutigalugu qisulerinermut sannavik, nutaaliornermik sannavik, igaffik) aammalu inuup ineriartornera immikkut pingaartinneqartarluni. Assersuutigalugu sulineri periutsinik aalajangersimasunik ilinniagaqarneq, suleqatigiissinnaalernerneq, nammineq iliuuserisat pillugit tarrarsorsinnaanermut ilinniagaqarneq kiisalu suliffeqarfiit ilinniarfeqarfiillu assigiinngitsut ilinniagaqarfigalugit kiisalu sannavimmi ilinniartitsissutigineqartut suleriaatsit assigiinngitsut pillugit ilinniagaqarneq.

Sisimiut: Qisulerinermik sannavik nutaaliornermillu sannavik. Piffissami matumani Sisimiuni sannaviit oqummik eqqugaqqarput atorneqarsinnaanatillu.

Maniitsoq: Qisulerinermik sannavik, Nutaaliornermik sannavik (Assiliineq, Nipilersorneq, Assassorneq Eqqumiitsuliornerlu), Igaffik.

Eqitsit 1: Sannavimmi ingerlatsisut inuusuttut amerlassusaat - aammalu inuusuttut anguniagaqqarfiusunit procenti (UMG) 2022/23

Område:	Antal i værkstedsforløb 2022-23	Uddan. Statistik I alt, 2021	Ej i uddannelse el. beskæftigelse 2021	Ej i uddannelse el. beskæftigelse % 2021	% af UMG i værkstedsforløb 2022-23
Hele landet	117	7568	2339	31%	5%
Kommune Kujalleq	14	820	285	35%	5%
Kommuneqarfik Sermersooq	51	3191	898	28%	6%
Qeqqata Kommunia	12	1284	376	29%	3%
Kommune Qeqertalik	38	856	254	30%	15%
Avannaata Kommunia	2	1415	526	37%	0%
Udenfor kommunerne	0	2	0	0%	
Distrikt:					
Nanortalik	5	199	93	47%	5%
Qaqortoq	0	441	138	31%	0%
Narsaq	9	180	54	30%	17%
Paamiut	16	166	62	37%	26%
Nuuk	12	2525	591	23%	2%
Tasiilaq	12	446	224	50%	5%
Ittoqqortoormiit	11	54	21	39%	52%
Maniitsoq	11	366	118	32%	9%
Sisimiut	1	918	258	28%	0%
Kangaatsiaq	6	161	65	40%	9%
Aasiaat	32	440	109	25%	29%
Qasigiannuit	0	135	34	25%	0%
Qeqertarsuaq	0	120	46	38%	0%
Ilulissat	0	574	203	35%	0%
Uummannaq	2	318	102	32%	2%
Upernavik	0	435	181	42%	0%
Qaanaaq	0	88	40	45%	0%
Udenfor Grønland		107	0		

Kilde: Departement for Sociale Anliggender, Arbejdsmarked og Indenrigsanliggender.

Eqitsit 1 tassaavoq ukiumit piffissami aalajangersimasumi naatsorsuinermt takussutissiisooq taamaattumillu ukiup ingerlanerani nalinginnaasumik atuarunnaartoqartarmat piffissami taaneqartumi ingerlatsinermik aallartitsineqartumi sannavimmi ingerlatsinermi amerlassusaanngitsut.

Eqitsit 1-ip takkutippaa inuusuttut sannavimmi ingerlatsitsinikuusut nuna tamakkerlugu agguaqatigiissillugu 5 procentinnaasut aammalu kommunit najukkamiillu najukkat akornanni amerlassusaat annertooujussuarmik nikingassuseqartoq.

Maniitsumi 2022/23-mut sannavimmi ingerlatsinermik atuartut aallartittut aqqaniliunikuuppat, piffissamilu kisitsisit katersorneqarneranni Sisimiuni atuortoq ataaseq aallartissimalluni.

Atuilluartuunissakkut kingunerisinnaasai

Naalackersuisunit inassutaasoq tassaavoq, maannakkut nalinginnaasumik Majoriap ataani inissimasuni sannavinni pioreersuni tunisassiornermut assingusumik atuarfimmik ingerlatsinerit aallaaveqartariaqaraluartut.

Illoqarfinni ilinniarnermik atuarfeqarfittaqartuni iluaqutitalimmik taakkununga tunisassiornermik assingusumik atuarfimmik ingerlatsinermik ataatsimoortitsisinnaaneq eqqarsaatersuutigineqarsinnaavoq, ingammik ilinniartoqarfinni atortunik immikkuullarissunik pisariaqarfiusuni pigineqareersuni aammalu ilinniartoqarfimmi pineqartumi tiguneqarsinnaanermut ikaarsaanissap ajornangitsumik siuarsarneqarnissaanut.

Tunisassiornermik assingusumik atuarfimmik maannakkut siusinnerusukkullu suliniutitaasunik aammalu ilinniartoqarfinnik suleqateqarluni misilittakkanik sanarfeqqinnissaq Naalackersuisut naatsorsuutigivaat. Siunertaasoq tassaavoq, tunisassiorluni atuarfimmik ingerlatsereernerup kingorna ilinniartoqarfivimmut ikaarsaarnissat ajornanginnerunissaata oqinnerunissaatalu qulakkeerneqarnissaat, tamannalu ilinniarnernup tungaatigut isumaginninnermullu tunngasuni atuilluartuusumik ineriartornermut peqataassaaq.

Aningaasaqarnikkut allaffissornikkullu kingunerisinnaasai

Eqitsit 2: Aningaasaqarnermut inatsimmi 2023-mit Majoriani sannavinni ingerlatsinermut ingerlatsinermi tapiissutit pillugit takussutissiaq

Kommune	Kujalleq	Sermersooq	Qeqqata	Qeqertalik	Avannaata	I alt
Driftstilskud (kr)	2.254.266	3.050.156	1.855.346	1.324.810	684.257	9.168.834

Kilde: Departementet for Sociale Anliggender, Arbejdsmarked og Indenrigsanliggender

Eqitsit 2 Majoriaqarfinnut tamanut ingerlatsinermut tapiissutinik tamakkiisunik takussutissiivoq. Aningaasaqarnermut inatsisikkut Majoriat ataanni sannavinni ingerlatsinernut Qeqqata Kommunian ukiumut 1.855.346 koruuninik tigusaqartarpoq.

Maniitsumi Majoriaq paasissutissiivoq, Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoqarfiup ataani Ineriartortitsinermut aningaasaliissutini ineriartortitsinermik suliniutinut ukiut tamaasa immikkut aningaasanik qinnuteqartarlutik, Sisimiuni Majoriami paasissutissanik pissarsisoqarsinnaasimangilaq.

Allaffeqarfiup naliliinera

Allaffeqarfik naliliivoq, tunisassiornermut ilinniarfik nutaaq Sisimiuni inissinneqassasoq, Maniitsumi Pilersitsivimmut sanilliullugu tunisassiornermik atuarfimmik ingerlalluartumik Sisimiuni amigaateqartoqarmat. Ukiumi 2022/23-mi piffissami kisitsiffiusumi Sisimiuni sannavimmik ingerlatsinermi ataatsimik atuortoqarnikuuvoq paarlattuanik Maniitsumi aqqanilinnik atuortoqarnikuulluni.

Sisimiuni arlalinnik ilinniartoqarfeqarpoq tunisassiornermut atuarfiup nutaap suleqatigisinnaasaanik.

Innersuussut

Suliaq eqqartugassanngorlugu aammalu tunisassiornermut atuarfiup inissisimanissaanut illoqarfimmik toqqaasoqarnissaanut ilinniarititaanermut ataatsimiititaliamut saqqummiunneqarpoq.

- A. Sisimiuni inissisimaffilerlugu
- B. Maniitsumi inissisimaffilerlugu

Ilinniartitaanermut ataatsimiititaliap suliamik suliarinninnera

Ataatsimiititaliap 11. marts 2024 ataatsimiinnerani tunisassiornermut atuarfiup Sisimiuni inissinneqarnissaa innersuussutigineqarpoq.

Innersuussut

Ilinniartitaanermut ataatsimiititaliap Kommunalbestyrelsimut innersuussutigivaa akuereqqullugu,

-tunisassiornermut aturfik Sisimiuni inissisimassasoq

Aalajangiineq

Innersuussut akuersissutigineqarpoq.

Piumasarineqarporlu Maniitsumi Pilersitsiviup pinngitsoorani aamma siunissami ingerlaannarnissaata qulakkeerneqarnissaa, tamannalu Naalakkersuisoqarfimmut apuunneqassasoq.

Ilanngussaq

1. Tunisassiornermik assingusumik atuarfimmik ingerlatsineq 1-itut Naalakkersuisunit inassuteqaatit
2. Tunisassiornermik assingusumik atuarfimmik ingerlatsineq 2-tut Naalakkersuisunit inassuteqaatit
3. Tunisassiornermik assingusumik atuarfimmik ingerlatsineq 3-tut Naalakkersuisunit inassuteqaatit

Imm. 8.1 Tamalaat

Soqanngilaq.